

寧國府志卷二十九

人物志

文苑

宣城縣

**唐劉太冲**

博洽工詩與弟太真齊名天寶中舉乙科顏真卿守平原辟從事畫策拒安祿山尋真卿掌吏部署冲高

等歸宣城為文送之謂才不偶命而德無其鄰所著詩俱亡逸惟存寄業師一篇見宛雅 康熙志

**劉太真**

宣州人善屬文師蘭陵蕭穎士舉高第進士淮南陳少游表為書記嘗以少游擬桓文為義士所譽興元

初為河東宣尉賑給使累遷刑部侍郎德宗以天下平貞元四年九月詔羣臣宴曲江自為詩敕宰相擇文人廣和李泌等請羣臣皆和帝自第之以太真李紆等為上遷禮部掌貢士多取大臣貴近子弟坐貶信州刺史卒 新唐書本傳

康熙志

寧國府志

卷二十九

人物志 文苑

一

**王爰**

工詩歌與李白齊名嘗遊蜀白為劍閣賦贈之因以中戒他日白道溧水爰已卒又哭以詩云王公希世寶棄

世一何早 乾隆志

**顧蒙**

宛陵人博覽經史慕燕許刀尺亦一時之傑餘力深究內典繇是屢為浮圖碑做歐陽更筆法酷似前人庚

子亂後萍梗江浙間無何有美姬為潤帥周寶奄有蒙不能他去而受其豢養由此名價減薄甲辰淮浙荒亂避地至廣州人不能知困於旅食以至書千字文授於輿俗以換斗筲之資未幾遭疾而終蒙頗窮易象著大順圖三卷 撫言

按顧蒙舊志無傳唐說部中往往見之摭言稱韋莊請追

贈不及第人蒙與焉其推重于時名流固非偶然今據摭

言原文補入

**南唐邵拙**

字拙之孤峭不撓博通經史飯酒至百杯不醉水部郎趙慶貽之詩云邁古文章金鸞驚出羣行止玉麒麟

麟嘗上書獻所為文請應制科詔赴闕次舒州卒籍裝得手抄史傳文集三百卷拙初為詩云萬國未得雨孤雲猶在山

時謂窮識有詩百篇曰廬嶽集尚書孫邁序十國春秋乾隆志

### 按舊志邵拙係唐人今從吳任臣十國春秋改屬南唐

**蒯鼈** 工屬文江南承唐末文體纖麗之弊士率不能自振鼈獨不事華藻以理趣為本得承平餘風鼈嘗曰夫文章

者所以達道德之本發才智之蘊使旨勝於辭理過於文為得之矣其餘摘裂章句鉤校屬耦綺麗悅目清新沃耳則吾

不知也聞者善之然居鄉飲博無行不為人士所容乃去入廬山國學亡賴尤甚晚乃勵風操尚信義一言之出必復而

後已常蓄龍尾硯友人欲之而不言鼈亦心許之未及予也一日友人告而歸鼈悔恨徒步數百里追及授硯而還至

後主未始登仕版迨國亡銓授未及遂不復謀仕宋開寶中薄遊汴京樊若水欲薦於朝鼈恥之亟歸隱廬山數年卒

一云歸宋擢進士第以殿中丞致仕隱於廬山十國春秋本傳

### 按一統志載蒯鼈擢太宗時進士第歷茶陵令以殿中丞

### 致仕隱於廬山嘉定志亦同惟殿中丞作殿中侍御史為

## 寧國府志

### 卷二十九

人物志 文苑

二

異耳江南通志康熙乾隆府志並云恥若水之薦謝隱廬

山鼈既稱晚勵風撻嘉定志并稱其家貧未嘗干謁士流

高之似非希榮失身之士十國春秋於本傳中無此語而

### 附注於傳尾亦傳疑義也

**宋邛旭**

字孟陽本農家子弱冠始讀書習為辭章俄隨計金陵凡九舉而曳白者六七旭自勵彌篤不為恥由是學益

進後主時試厚德載物賦擢第一人國亡歸宋呂蒙正判銓久習旭名問曰若非能為賦者乎旭曰江南獻賦適為第一

冢正曰聞名舊矣謂為古人乃並世耶薦授令錄遷京秩卒於衡州常纂古名賢遺言為寶朋宴語行世其詞賦得故唐

程度時人取以為法十國春秋本傳

**梅堯臣**

字聖俞侍讀學士詢從子也工為詩以深遠古淡為意間出奇巧初未為人所知用詢蔭為河南主簿錢

惟演留守西京特嗟賞之為忘年交引與酬倡一府盡傾歐陽修與為詩友自以為不及堯臣益刻勵精思苦學繇是知

名於時宋興以詩名家為世所傳如堯臣者蓋少也嘗語人曰凡詩意新語工得前人所未道者斯為善矣必能狀難寫之景如在目前含不盡之意見於言外然後為至也世以為知言歷德興縣令知建德襄城縣監湖州稅僉書忠武鎮安判官監永豐倉大臣屢薦宜在館閣召試賜進士出身為國子監直講累遷尚書都官員外郎預修唐書成未奏而卒錄又嘗上書言兵注孫子十三篇撰唐載記二十六卷毛詩小傳二十卷宛陵集四十卷堯臣家貧喜飲酒賢士大夫多從之遊時載酒過門善談笑與物無忤詼嘲譏刺托於詩晚益工有人得西南夷布弓衣其織文乃堯臣詩也名重於時如此宋史本傳

### 高元矩

工詩不仕以子惠連貴贈光祿卿詩有警語贈徐學士云烏掠琴絃穿靜院吏收詩草下閒庭載王舉雅言系述全篇無考惠連博學尚氣節登端拱已丑進士歷工部郎知吉州精堪輿術遷學址歐劉相繼出並登上第為名臣天禧初徙知揚州卒孫器之知南康軍周紫芝惠連曾孫壻也嘗過其墓下賦詩弔之康熙志

### 周紫芝

字少隱居陽山父覺義方甚篤每曰是子相法當貴然肩聳而好吟其終窮乎後兩以鄉貢赴禮部不

## 寧國府志

### 卷二十九

人物志 文苑

三

第家貧併日而炊人嗤之不顧嗜學益苦嘗從姑溪李之儀及呂本中遊有美譽年六十一始以廷對第三同學究出身調安豐軍霍邱稅不赴監戶部院歷樞密院編修官右司員外郎知興國軍政崇簡靜終日焚香課詩而事不廢秩滿奉祠居廬山初秦檜愛其詩云秋聲歸草木寒色到衣裘留京每出一篇出輒擊賞不已頗厚遇焉後和御制詩已通灌玉親祠事更有何人敢告猷檜怒其諷已出之紫芝惟言士遇合有時吾豈以彼易此紹興乙亥卒著有太倉稊米集竹坡老人詩話楚詞贅說見文獻通考萬姓統譜子槃琴並力學不仕康熙志

### 李宏

字彥恢建炎中呂好問知宣州得士四人詹友端周紫芝王相如及宏每讌集必與宏博覽書登政和五

年進士第歷官轉運使卒後一年天子問淮西漕李宏在否執政言物故上嗟惜久之宏詩集散逸後有李璠亦能詩辰

光門云夜深燈火明沙路秋令笙歌擁畫輪並見宛陵羣英集同上

### 元貢奎

字仲章父士濬贈廣陵侯力學尚義作義塾以待四方

長時方議行郊祀禮奎討定之朝廷多採其說應翰林纂修成宗實錄授江祀禮奎學提舉敷明理學諸生皆竦聽不懈

累遷集賢直學士天歷二年奉使還卒謚文靖奎為文閣放  
僑和皆一時豪俊聲名之晚年萃擷諸禮書欲定為一家  
唱而未竟所著詩文悉藏秘府有雲林小稿聽雪齋記青山  
漫吟倦遊集豫章稿上元新錄南州紀行凡百二十卷子師  
泰詳名臣傳姪師道字道甫舉茂才累官翰林待制兼國史  
院編修有文名時奉旨修宋遼金三史丞相脫脫不事東晉  
以遼金正統也本朝得正統承中國帝王之統而與唐虞三代  
凡以成稱以承宋耳則正統在宋不在遼所也議不行師道  
漢唐齊稱以承嘉興路治中部  
坐此忤時出補尋卒 乾隆志

### 張師愚

字仲愚弟師曾皆好學工詩先後領延祐天歷鄉薦  
並從汪文節澤民游文節禮下之嘗稱生平畏友有  
二張云師愚詩有和施炳仲云桑落山中酒芙蓉江上秋送  
趙伯淵云秦淮倚棹秋聽雨易水驅車曉度霜師魯有挽劉  
待制云視艸催春直藏舟惜夜移懷師氏山林云雨林黃耳  
菌春澗白頭魚頗稱工麗師愚子知言亦以詩名 同 上

### 明貢欽

字元禮少穎異讀書過目不忘成化庚子領應天鄉試  
第一同榜公謙多列聲妓各攜箠筵間索解元題詩欽

## 寧國府志

### 卷二十九

人物志 文苑

揮灑無難色衆服其敏給甲辰登進士歷官文選郎掌選事  
最久世宗出郊諸官蒲伏欽頌長上疑其立詢之因呼長官  
兒仕順德知府欽詩文才情豪蕩震耀一時著有湖亭集大  
學士李東陽學士程敏政亟稱之有秋水芙蓉之目 宣城  
事函 乾隆志

### 貢汝成

字玉甫鏞之子領正德癸酉鄉薦生而慧廢產市古  
尤探極理蘊文密而藻法而瞻嘉靖初預修祀儀成典及獻  
郊廟賦並賜金帛授翰林待詔預錄經史上復古治策十  
五事凡三萬七千餘言章聖太后喪兩疏請復三年制不報  
尋卒於官著有禮纂註四十九卷 宣城事函 乾隆志

### 梅守箕

字季豹豪宕善屬文援筆立就詩不為今體湯賓尹  
雅傲岸獨推服之曰與季豹遊使吾神王又贈詩云  
坐上若無梅季豹也容他輩得猖狂其見重如此年四十五  
卒著有居諸前後集王世貞序之極其傾倒又贈詩云從誇  
荆地人人玉不及梅家樹花子元祚從子蕃祚台祚  
皆善詩文喜任俠惜早卒 靜志居詩話 乾隆志

### 孫攀

字士龍長於記問博覽沉思嘗得周禮古本徧考諸家  
折衷為一書名周禮釋評同時梅鼎祚序行之稱其孝

友端諒非禮勿履所輯著與貢待詔海成纂註三禮後  
先相望至今里中稱博洽必首貢兩先生甚憐之欲其棄

### 梅鼎祚

字禹金父守德官給諫時生鼎祚癯生郡守羅汝芳  
筆硯乃匿書帳中默誦年十六廩諸生欲以文學自任

召致門下龍溪王畿呼為小友性不喜經生業以古徵明  
文詞沉博雅贍海內皆知其名閣臣申時行等欲以文學

故事疏薦辭不赴歸隱書帶園構天逸閣藏書坐卧其中著  
有鹿裘石室集又編輯歷代文紀漢魏詩乘古樂苑唐樂苑

書紀洞詮青泥蓮花記才鬼記諸書孫朗中字朗三亦工詩  
文書畫海內名宿如馮元鸞周鑣陳子龍輩咸亟推之嘗輯

唐以前賦為賦紀五十卷編校垂竣而卒所著有書帶園集  
十六卷又孫超中從孫磊並知名各著有詩稿明詩綜詩

話乾  
隆志

### 高維岳

字君翰惠連裔孫弱冠領萬歷癸酉鄉薦善詩賦古  
文詞與里人沈懋學梅鼎祚輩為敬亭詩社遍遊天

下山水奇絕處遊必有詩仕雷州推官廉明有惠聲尋攝瓊  
州礦徒萬餘人竊發鈎倭入寇維岳伏兵清瀾海口夾攻大

破之轉鞏昌郡丞督餉臨洮招番人置近甸邊賴以安以抗  
直左遷興國知州興國故苦柯譚二賊維岳卑車馳至郡立

## 寧國府志

### 卷二十九

人物志 文苑

五

擒盜魁盜悉平當事忌其功遂投劾歸維岳文學政事並長  
歸田日家無餘財所居不蔽風雨翰林焦竑每嘆曰君翰誦

詩達政有元道州之風著有遠霽堂草翠亭集  
保洮八議等書廣東通志名宦傳乾隆志

### 湯賓尹

字嘉賓萬歷甲午舉於鄉乙未冠南宮廷對第二授  
翰林院編修內外制書詔令多出其手號稱得體神

宗每加獎賞尋晉中允署司業諭德庠子遷南京祭酒雍中  
考課分闈所得皆當世名士好獎借人材士子質疑問難殆

無虛日詞林舊例每優游文史需次公卿賓尹獨慷慨負氣  
縱談天下安危大計由是與人不合又以闡中爭韓敬舉首

忤執政罷歸崇正初廷臣喬若雯等疏薦未及用卒以制舉  
業名天下至今無不稱湯宣城云所著有睡庵詩文集其條

議防邊備倭諸策詳  
文集中乾隆志

### 吳伯與

字福生好讀書每夜嚮晨擁衾假寐覺復讀以是得  
疾年五十八始連登甲乙榜授戶部主事歷員外郎

中出為浙江布政使司叅議遷廣東按察使司副使為諸生  
時高自負以晚達得肆力典籍博極羣書工古文詞董思白

題其素斐齋集云體齊梁之綺靡兼燕趙之悲壯所輯有宰  
相守令合宙名臣奏疏事函文函等書行世明詩綜傳

宛雅  
乾隆志

**沈有則**

字士範懋學伯子少警穎淹通經籍嫺六藝下至騷賦楷隸靡不工著九邊策要諸篇數十萬言悉經世

巨務沈氏累代簪纓以理學世其家有則所著皆有本之學萬歷庚戌成進士官行人即疏請建儲詞甚切至壬子奉命

使楚兼奉母南歸次東平州值母疾作不起有則日夜泣不絕聲繼卒於道時年五十有三有則生平性孝友敦睦好施

著有紫烟閣文集  
乾隆志

**劉仲達**

字九達太學生著鴻書一百八卷凡二十有四類顧起元序之曰總百代之秘文搜二酉之佚典採玉於

山非懸藜無以結佩漉珠於海非明月無以入懷蓋一時類集未有或之先者同上

**鍾震陽**

字百里少孤貧寄食舅氏鄭世德性癖古學不屑屑經生家言年及艾猶困童子試積歲館穀盡購書籍

寢食其中不稍倦崇正庚午領鄉薦辛未登進士是科程策半經其手裁一時古學聲噪京師知山陰縣築塘捍海民便

之祠於海瑞部民碑焉著有偶居集行世子無瑕詳宦業同上

寧國府志

卷二十九

人物志 文苑

六

**汪念顯**

字仲恭邑庠生文節八世孫也博通經史百家言試輒冠軍郡邑長如陳彥吾姜孟穎鄉先達殷登瀛詹

沂徐元至吏廷有古高士遺風焉著有語神編世道忠言二未嘗一至吏廷有古高士遺風焉著有語神編世道忠言二

刻同

**劉振**

字自我少高尚博學慷慨善持論嘗縱遊燕趙齊梁間中原多故范景文巡撫河南振以布衣上書談時事多

中甚見優禮由是知名尋返金陵鍵戶撰著輯古今治亂得尖作廟算采兵家言作緯書又以明三百年實錄藏館閣者

旁稽野乘裁以己意做史記述為本紀志表列傳自洪武迄萬歷名曰識大錄計百餘卷范景文為南兵部尚書每有大

事多就諮訪及內召聘修北工部志書成闡賦陷京師未上景文殉國書散逸乙酉疽發背死振平生熟於掌故所著

述甚富詞章其餘事云子易字望之古義自好博極羣書後徙居河南著有章甫集二十卷擬騷數卷同上

**俞綬**

字去文壯謝諸生業篤志占學博覽遐搜居宣之西陽有小園中為樓聚所藏與所構典籍充其中顏曰父書

樓為詩古文詞不加點長於敘事得史漢法求者踵接意到則置凡園中花竹下徐步微吟茗飲數杯立書十餘紙著有

澗影詩文集六  
十卷 同上

**國朝梅巨儒**

字諤 聞早棄學子業盡讀藏書乃上遯義軒下迄近  
代做司馬公通鑑目錄邵子皇極經世編年體博蒐

慎討舉要訂謬為史鑑大事錄一書又著左傳發明訂正諸  
家詩古文辭百餘卷下惟精思則累矜確築戶通食於牖輒  
經時月每歲除家人陳設畢乃出事孀母誠孝鄰人有  
鬻妻贖罪者得巨儒傾囊獲免子銷見名臣傳 同上有

**唐允甲**

字祖命 幼時湯賓尹器之留讀園中年十三文譽馳  
江上崇正末金陵初建議徵江左鉅儒充中書之選

閣臣高宏圖首薦允甲為舍人一時辭命多出其手會權臣  
披剝善類允甲遂遜跡溪山息意仕進以詩酒自娛老年書  
法名海內箋筵盈凡酒酣落筆序之傾倒備至 宛雅 乾  
餘卷周亮工沈壽民施閏章輩序之 宛雅 乾

隆志

**戚懋**

字穉 含性倜儻留心經濟崇正間游都下適司禮監王  
某奉命巡邊延為叅謀遍歷酒泉張掖等郡憑弔山川

詩文盈篋例三載復命當授通判職懋慨然曰因人受爵志  
士不屑也棄歸應童子試入泮尋入浙幕順治初浙閩內附

**寧國府志**

**卷二十九**

人物志 文苑

七

懋以諸生授龍泉教諭青年告歸隱於水陽西澚足跡不入  
城市日與唐允甲袁友韓李俠輩飲酒賦詩老而詩益工人

以高達夫擬之街  
南文集 乾隆志

**梅士琰**

字象先 太學生最淹洽自汲冢魯璧周鼓秦碑以逮  
蟲魚草木地輿醫卜之籍靡不窮究尤豪於詩有不

平不與人較時寄咏以自寓伯仲早世撫諸孤煦煦若慈  
母尋以兄子事冤繫園扉五年盡鬻產以好難無幾微怨懣  
晚為潛山縣丞著孤山八集行世子靚字清老好吟遊藝  
履所及與一時名流贈答悉自寫性靈不一語借人牙慧所

著風聲集客吟臥吟餘  
吟共二十卷 乾隆志

**孫竹**

字穉君 長於詩雕刻奇創類李長吉出遊公卿間爭為  
延譽從弟給諫襄每稱其內行完備惜無後有西湖蘧

嘯集行世從侄支芬字崑孩邑諸生博極  
羣書詩文援筆立就隸體尤工 同上

**吳銚**

字若金 郡庠生孝廉伯敷子也敷有行誼淹經史以父  
兼師銚少英爽與沈壽民齊名吳中錢禧亟引重之胎

書於人必稱吳沈無軒字季野邑諸生甲申後謝舉子業壹  
痕著浮筠軒集弟垆字季野邑諸生甲申後謝舉子業壹

古文力追周秦兩漢以上窈渺詭變滅神奇使人不見端倪而折衷一軌於正列有夢華子集四卷從子謀公字聰若丁卯鄉試第二性簡名淡聲利外似詼諧而守實介不喜講學浮名嘗曰高談性命不如卑論人情廣結知交不如近恤鄉里聞者服之同上

**張延世**

字子尉七歲能吟咏篤嗜詩古文詞長益肆力羣籍所學日富而行誼甚高幼失恃孝事其父父歿哀毀

幾不勝喪與異母弟同居數十年無間言姊少寡孤甫四齡值兵亂延世挈以遠避獲保無恙連試於鄉不得志徜徉自適所撰著不下數十種以明經授宿松訓導年已老猶日夕講論不輟問奇者趾相接歸年八十四卒族有一黨者亦好學能文以諸生終五經俱有註解並散佚惟存春秋留傳十餘卷同上

**孫于王**

字羽辰前明邑庠生能文善詩歌書法出入鍾王遠邇重之絕意進取襟情空曠酷嗜奇山水留連時事

托詩見志其風號雨溢海嘯山奔之致磊落動人著有萍菴集吳肅公推服焉同上

**唐益**

字康熙癸卯通古籍學使李來泰亟稱之中順治丁酉庚子康熙癸卯三科副榜以體羸不耐場屋終老明經生

寧國府志

卷二十九

人物志 文苑

八

平尤喜為有韻言著自怡集行世從兄允甲題詞云博瞻四庫鎔鑄三唐光散朝霞巧分天錦擬古為儔於今罕儷矣同時廩生陳武揚亦以文

學稱宛雅乾隆志

**梅清**

字淵公英偉豁達以博雅負盛名順治甲午舉於鄉遊燕齊吳越間名公鉅卿無不推轂新城王士正云淵

公以詩名江左畫山水入妙品松入神品更數十年斷紈零素定不滅蘇黃也又著瞿山詩畧稼園艸天延閣前後集行

世子鍾齡郡廩生嗜古能文稱其家風從弟詰亦長於詩咏物最工居易錄乾隆志

**高詠**

字阮懷州守維岳孫幼有神童之目其學無所不窺書畫詩世稱三絕與同里施侍讀閻章高唱東南未以博學

壇者三十餘年海內翕然宗之為宣城體康熙己未以博學宏詞授翰林院檢討充明史纂修官所撰史稿皆詳慎不苟

積勞成疾請假歸里逾年卒著有蕭江遊艸遺山詩集及若巖堂全集五十卷江南通志乾隆志

**茆薦馨**

字楚畹少英敏力學為文不屬艸頃刻數千言立就入北雍長洲相國宋德宜為祭酒奇其文以國士目

之康熙己未成進士一甲第三名授翰林院編修時命詞臣纂修五代史及易經講義薦馨分輯不懈俄而疾作得請卒

京邱薦醫生平誠信廉潔宦遊十數載所居帷幕不周炊烟  
間絕晏如也賴閣部諸公經理喪歸著有畫溪草堂稿子振  
旂乙酉舉人江  
南通志乾隆志

**孫卓** 字予立給事襄次子淹通經史才藻瀾發康熙己未成  
進士一甲第二名授翰林院編修癸亥奉使册封安南  
行至粵西全州暴病卒年三十六卓內行醇備奉母兄以至  
性敦夙誼崇氣節著有覽社齋稿江南通志乾隆志

**沈泌** 字方鄴父壽堯殉國詳忠節泌幼孤力學博聞強記才  
捷一時嘗名流讌集闡韻分題泌或後至先成與人共  
疏古事娓娓不倦檢所出不譎一字性落拓跌宕文酒不事  
生每縱談天下事掀髯扼腕旁若無人康熙己未當事將

以博學宏詞薦會後稿被竊去同時有濮陽錦梅直馬文  
著詩文詞賦甚夥歿後稿被竊去同時有濮陽錦梅直馬文  
開皆隱居著述以博雅  
稱宛雅乾隆志

**梅庚** 字耦長朗中子三歲孤家故貧母劉撫以成立姿稟穎  
異好讀書尤長於詩間繪山水亦曠逸有致客遊京師  
一時名公巨卿折節倒屣辛酉領鄉薦累因公車新城王士  
正雅重之及主禮闈復被黜士正為詩自責有如何古戰場

寧國府志

卷二十九

人物志 文苑

九

亦復失李華之句旋授泰順令以經術佐吏治請罷海船歲  
修民尤便之嘗作修船謠人比之元春陵未幾引年著有漫  
與集聽山詩鈔子琢成見孝友傳琢成邑庠生詩  
文有名纂修雲南通志人服其精核云乾隆志

**袁啟旭** 字士旦國學生工詩而好遊自題其草曰江湖一客  
都下宋實穎序其中江詩鈔云以秦風之悲壯而兼楚騷之  
哀怨真東南第一才子也前輩惟梅村先生可以方駕近則

其年得其豐腴漢槎有其英概其推服如  
此從弟又安亦有詩名宛雅乾隆志

**梅以俊** 字子彥邑廩生博通經史古詩古文詞嘗錄江陰  
以古學七藝擢冠十八府州聲藉吳越間性曠達  
嗜飲遺落世事芥視青紫晚數遊金陵與諸名士結吟社時  
飲酒家題詩壁上好事者隨所在錄之去傳誦都邑年五十

四疾革連沃數觥一笑而逝著有承露集及茗語行世班  
成生十月而孤事孀母並以孝聞長補諸生博綜經史  
為詩古文皆自出機杼刊落凡近所著有石塘詩文遺集  
生平積學植品嚴於課子理成進士官銓部乾隆志  
**劉錫麟** 字天石歲貢生博洽工詩文多識古文奇字嘗構鐵  
舟亭書屋貯圖史其中討論不倦愛飲佳茗坐花對

月自適也大小楷得鍾王法道勁温潤藝林寶之年八十餘卒方春錫麟族人邑廩生家貧苦吟著有負荷吟蓉坪詩艸

徐纂益

字烈裘邑廩生學務博覽詩古文有名於時後不戒於火士林惜之族人肇伊字程叔亦名諸生嘗預修

劉朝瑞

字季鷹郡廩生少刻意攻苦父母沒盡鬻其貲產以供殯葬舌耕自給於學無所不通尤工舉子業操觚

梅允開

字仲伯邑諸生家貧併日而炊甫壯悼亡不更娶兀坐小樓於經史百家靡不淹貫詩賦清麗越俗衣冠

梅文鼎

字爾素邑諸生徵君文鼎弟也才思瞻逸為文不加點竄操筆立就自然豐美詩學韋孟冲夷古淡不為

寧國府志

卷二十九

人物志 文苑

十

時近語尤邃於天文星數之學與兄文鼎並為安溪李相國光地所重著有中西星經同異考星圖慎菴筆算等書

劉文友

字承哉郡廩生方正自持言笑不苟公卿爭延致為子弟師刻有冰涯詩文集行於世子佩珩寧海知縣

湯陟

字郇書邑廩生能文工詩善書法尤精篆隸識者謂其突過鄭谷口邑老宿如姜實節沈泌梅庚袁啟旭皆推

沈廷謨

字又臯邑諸生前進士琦孫也性嚴謹好讀書務求實際不事浮飾一時從遊者皆循循有法度著有學

湯偉

字駿公幼奇敏喜讀古書家貧力農不贍仍出授徒嘗曰文何必法詩何必律吾以達吾意焉耳年四十始

應試入邑庠康熙庚午舉於鄉一試禮部不第遂遍眺名山

七十授江寧教諭笑曰老教書是吾本事進諸生多所開發  
暇則鋤草灌園蔬自給一富商與諸生訟學使者不直諸生  
偉堅持不從學使怒曰教官如此強項偉曰惟教官當如此  
強項耳任滿遷國子監典籍以老告歸年九十卒於家著  
有性解仁說及易準注離騷經貫等書從弟廷  
鐘字大宗拔貢生偉所著多取焉宣城志  
王佐字傲亭郡庠生幼穎異涉目成誦為文不拘尺幅落筆  
如飛甫弱冠學使者許公汝霖以古學試多士首沈泌  
佐次之一時名藉甚復以古學為學使張公廷樞首拔張每  
按所部輒稱佐為江左才士無雙著石汀集凡十卷未刻佐  
族祖兆嵩亦有  
文名 乾隆志

王可第 字次雲 邑廩生 學使楊中訥愛其文有秋水芙蓉之  
日詩尤工雅梅庚謂其有功名教不徒侈風雲月露

之詞而已著桐引  
樓集行世同上

張宿 字緯 一邑庠生 有孝行 嗜古 嫺著  
述有句溪詩集藏於家 同上

施堞 字質 存歲貢 生侍讀 閭章孫 愿謹有  
文譽 詩能承家學 著剩圃集 同上

寧國府志

卷二十九

人物志 文苑

程元愈 字偕 柳本 歙人 籍宣邑 廩生 性孝友 為文本 六經 秀  
水朱彝尊 新城王士正 亟稱之所著有儷體文鈔 昭

明詩選輯注 子隆家 仍歸歙成  
進士卒 江南通志 乾隆志

梅兆頤 字淑 伊郡 庠生 性孝友 以詩古文詞 見稱於時 書法  
圖篆 俱能 入古 後保薦 博學 宏詞 著有 春秋 紀事 始

末花谿詩文等  
集 乾隆志

施念曾 字得 仍性 孝友 嗜學 工詩 賦篆 隸 雍正 己酉 拔貢 授  
廣東興寧 令 建學 課士 文 教 克興 巡撫 楊永 斌 稱 其

淹雅 保薦 博學 宏詞 踰期 不及 試 回任 調新 會以 母老 改移  
浙江 歷餘 姚德 清陞 河南 禹州 未任 卒 著有 藥齋 詩文 遺稿

藏於家  
同上

楊廷柱 字礎 珍 研窮 經史 為文 根極 理要 訓後 進多 所成 就  
雖 互寒 溽暑 講論 不輟 年八十 餘終日 無惰 容由 邑

廩生 領雍 正乙 卯鄉 薦淡 於仕 進以 國子 典簿 銜終 所作 詩  
文 為生 徒傳 鈔散 佚未 梓弟 廷棟 官編 修 廷楷 廷標 先後 登

賢書 廷機 邑文 學同 懷五 人才  
名並 噪時 比諸 竇氏 五桂 云

李希稷 字貽牟 縣學生 少孤家貧 苦自刻勵 積學為文 華瞻

未與試而卒 手藁散佚 今所存者 惟江南通志 館卽事詩

吳璟侯 號筠軒 乾隆乙丑進士 授永寧縣令 為同官者 齟齬

不欲索解於人 者殆瓣香玉溪生 云今遺小草 偶存二卷 餘俱散失

茆夢松 字柱堂 恩貢生 官定遠 教諭 遂於經學 所著三傳考

家

袁穀芳 字實堂 乾隆壬申鄉薦 司訓 震澤 自少時好為古文 與四方名宿 交遊 講求法度 筆力在介甫老泉之間

著有秋草文 隨歸廬詩稿

章孺覺 字味漪 邑廩生 幼嗜讀書 至老不倦 補諸生 隨父斯

延接有優禮 手書學者 堂額贈之 嘗以九州疆域 考見賞於 學使梁公 拔置第一 省試薦而弗售 以歲貢終 以上據事

寧國府志

卷二十九

人物志 文苑

增 實册

沈聚奎 字星五 號西垣 乾隆辛酉拔貢 生庚辰 恩科 魁南

不隨手註 十年開公 泰視學 江蘇 延校 試卷 辭勿就 乃以所

屬文 郵令 改定 梓行 門下 士如 涇邑 翟進 士大成 朱孝 廉梓

洛關 閩之 旨雖 布衣 疏食 終年 淡泊 晏如 焉性 至孝 早失 怙

恃嘗 以不 克奉 養為 恨每 逢忌 日及 春秋 祭祀 輒盡 誠備 物

獨力 營葬 祖墓 置祀 田數 百金 不少 惜四 弟少 亡以 次子 庠

生鴻 繼其 後五 弟瑞 無子 為捐 囊買 妾次 妹適 張一 克少 寡

而貧 矢志 撫孤 聚奎 時周 恤之 乾隆 四十年 郡邑 舉鄉 飲大

廣行 禮之 日觀 者數 千人 無間 言而 聚奎 深自 斂抑 其生 平

崇實 黜浮 不 要名 譽如 此 梅馥 字至 配邑 庠生 孤貧 力學 幼年 殫究 諸史 有言 及資 治

義別 觀三 卷又 太極 圖說 詳解 二卷 洪範 皇極 內篇 本義 六

卷俱自寫蠅頭細楷終日兀坐一室雖炊煙不繼而口吟手披不輟郡守宋公敦纂修郡志凡星野田賦祥異諸志悉馥

梅理 字元燮號生谷生而穎異未弱冠食餼學使姚公三辰極加獎賞乾隆丙辰鄉試領解南闈壬戌會試薦元不

售由明通榜授桃源學教諭莅任九年主修桃源縣志又刻有勸士錄諸生有貧不能就傳者招至署中口為講授壬申成進士授吏部考功司丁丑會試充同考官四月轉文選司卒於京邸

汪昌國 字瑞珍號泊齋乾隆壬戌進士授河南新鄭知縣繼

孝廉天祐之妹庭訓甚嚴十齡六經皆成誦為文出人意表及登賢書主考邵公思蓼以大魁期之薦於何公國宗使授弟子業每日擬構今古文數十篇示門徒他如館閣課擬諸作皆就昌國屬稿日必數題題必數首濡染淋漓人無與角

劉聘書 字莘元號瀆西歲貢生揚州府興化縣訓導聰穎異

在敬亭十子中尤推翹楚凡名公卿駐節江上官游寧郡無不折節延譽通政司雷公鉉視學江蘇耳其名延至幕府委

寧國府志

卷二十九

人物志 文苑

又十二

以甄別生平著作極富自經史傳記以至詩古文詞不下數十種貧不能梓散佚幾盡僅存四書文獻徵春秋明藻二種

南陵縣

唐張喬

有詩名咸通中與許棠鄭谷張贛李栖遠諸人稱十哲少與許棠同受知薛尚書能李建州頻為京兆叅軍主

解試月中桂詩喬擅場棠久困場屋頻憐之首薦棠是年棠獲雋而喬罷喬性恬淡值黃巢亂隱九華山久與杜荀鶴善詩篇亦流亞也今存二卷載全唐詩內宋志作一卷 撫言 嘉靖志 乾隆志

按唐詩人爵里考載喬池州人池州府志亦載入攷唐書

地里志武德四年以宣州之南陵隸池州貞觀元年州廢

縣還隸宣州永泰元年析宣州之秋浦青陽饒州之至德

置池州則喬之誤稱池州者實以武德時之南陵隸池州

遂致展轉傳誤耳喬集中有送許棠及第歸云青門許攀

送故里接雲林送友人歸宣州云失計復離愁君歸我獨  
遊送友人歸宜春云故里南陵曲秋期更送君唐詩統籤  
以南陵爲南陔之誤而定喬爲池州人可謂以不狂爲狂  
李洞送喬下第歸宣州詩云無成來往過折盡謝亭松則  
喬之爲宣州南陵人無疑也又舊志沿高棟唐詩品彙之  
誤載喬大順進士全唐詩傳載喬咸通進士按唐登科記  
無喬姓名九華錄及池州府志亦稱其未嘗登第尙書薛  
能以詩唁喬曰何事盡參差惜哉吾子詩摭言備載之則  
謂喬登第者誤也至舊志選舉表有列喬開元劉昱榜者  
尤誤之誤也

寧國府志

卷二十九

人物志 文苑

十三

劉鑄

字禹鼎其先蜀郡人以父宦家南陵舉至治辛酉進士  
歷安慶路推官知南豐州多惠政能詩題高尚書畫詩

憶昔東走吳越間杖藜所過皆名山扁舟無端忽西上巫峽  
照眼青螺盤五年塵埃卧環堵慨昔遊良自許偶然圖畫  
見崢嶸似與故人成晤語平生愛山仍愛畫畫裏看山天所  
借此身與畫兩相忘孰與莊周蝴蝶化格律極蒼勁卒祀鄉

賢 乾  
隆 志

明劉永麟

號象衡少聰穎詩賦多驚人語萬歷乙卯舉於鄉出  
范景文門同考慶得人考職授通判以母耄不仕平

生氣節自尙卒年  
六十四 同上

詐以忠

字君信性孝嘗嚙臂療父病由儒士歷任戶部主事  
肆志古學以翰墨駢儷文爲世所稱其名在屠赤水

王百穀諸人間所選故事四六書北方學者爭相  
誦習著有愛目齋詩集何喬遠序之以行 同上

秦邦修

字道源邑諸生父湛敦尙詩書振興子弟修稍長卽  
遣贊名師遂雄視藝苑宏詞亮節爲時所推重尤留

心經世學邑中利病令每就諮訪焉本邑糧稅舊有二十四  
等那移隱漏弊竇百出修草疏使民人俞用美等詣闕奏之

丈量釐正邑賦得均  
厥績尤偉同上

**王宏道**

字子能由選授平涼司理改任樂平蒞官清介致仕歸民頌之曰歸囊此處無他物惟帶昭山一點青

家居布蔬不充足不履城市前後郡邑大夫知其賢時造問焉平生研精性學尤長於詩所著詩集藏於家年九十四從容冠帶而逝同上

**國朝盛於斯**

字此公少負異稟詩古文詞倚席立就嘗往來金陵維揚與諸名下士相結納風流豪俠視世無足介

意者歸而目青家益貧不自聊賴佗僚憤鬱遂一寄於詩成輒歌歌已繼以泣所作輒為人持去亦不復記憶也初大

梁周亮工未遇時與友善於斯曰子非長貧賤者異日擁節

江上當過吾廬謁吾母題吾墓不十年周果為江安糧道亟問於斯則死矣設位哭之甚哀自白門買石手書舟載至奎潭小桃源以表其墓贍卹其母徵遺稿為立傳云同上

**許允成**

字展也幼穎異不羣為文雄肆灑瀚領順治戊子鄉薦授穎州學正以艱歸服闋捕金壇教諭金故才藪

允成至尤加意振興尋卒於官嘗言孝莫先於友親心所注也弟三人友愛備至著有龍巖集同上

寧國府志

卷二十九

人物志 文苑

十四

**何一化**

字生伯博學善文走筆千言尤工詩侍讀施閏章亟稱之謂清真閒遠得風人之體以明經試都下諸臣

公盛相推引尋策蹇歸時邑中名彥連袂接席角藝論詩無虛日四方士道陵邑者無不過從結歡而去著有瑟齋詩集

行世  
同上

**童升秀**

字書升少力學於書無所不讀尤熟於史鈞元提要興廢之故數十年來瞭如指掌所著有僭國

要覽拾史唾餘共若干卷藏於家同上

**王震**

字雨辰歲貢生性高曠視世一切蔑如也篤學研窮經史善詩文書畫風韻灑然文多佚傳者雷斧剩書小輞

川輯詩藝林  
稱之同上

**梁于涵**

字冲一弱冠食餼有聲與人交肺腑洞然以道義相勗家貧力學淬礪為古文詞善詩出入諸家上溯漢

魏宗法尤在少陵授徒燕山或代為援例入成均大司成奇其才每得所作輒遍示六館生以疾卒於京生平著述殆盡

弟于治隨在搜輯  
僅有存者同上

汪越

字師退篤志於學穿穴經史漁畝百氏評選古今文鈞元提要多前人所未發者所著詩古文詞冲澹典博後

進咸師效之乙酉舉於鄉垂老惟資舌耕郡邑當事折節加禮而茹苦自甘不妄干謁父性嚴毅曲得歡心伯兄早世撫

遺孤備至又捐資倡行社倉法於里中請官給印簿而自為勾稽其出入著有綠影草堂集毛詩集略讀史記年表諸書

同上

劉握

字天乙幼而育以耳受書輒不妄著作甚夥算學三法一書指點直捷大興朱文正公撫皖時序行之據事

實冊增

陶敬信

字涵一性穎悟學務實踐著述甚富學使鄭江以忠信端謹留心經學保薦引

見所著周禮正義進呈御覽褒諭明晰平妥賜段二疋令在三禮館纂修上行走載入學政

全書為諸生鼓勵書成議叙司鐸懷遠卒於官同上

涇縣

寧國府志

卷二十九

人物志 文苑

十五

唐許棠

字文化咸通中有詩名與張喬鄭谷等稱十哲賦洞庭詩有云四顧疑無地中流忽有山人以題扇號為許洞

庭累舉進士不第薛能贈詩曰君似貧無計因何事有成咸通二十年高湜知舉時士多請托權貴湜抵帽於地曰吾必

以至公取之得譴分也乃取聶夷中及棠時號得人初調涇縣尉鄭谷送之詩曰白頭新作尉縣在故山中又嘗為江寧

丞咸通末馬戴佐大同軍棠往謁之一見如舊相識留連數月但詩酒而已未嘗問所欲一旦大會賓客命使者以棠家

書授之棠驚莫知其來故緘知戴已潛遣介邨其家其見重如此卒存詩一卷唐宋藝文志及馬端臨文獻通考同中興

館閣書目云舊題文化集 撫言 唐詩紀事 江南通志

按唐張喬集中有題上元許棠所任王昌齡廳詩新修涇

志以為上元丞江寧丞未知孰是考新唐書地理志武德

三年以江寧溧水二縣置揚州更江寧曰歸化八年更歸

化曰金陵九年州廢更名金陵曰白下穎潤州貞觀九年

更白下曰江寧至德二載以潤州之江寧置昇州上元二  
年廢光啓三年復以上元句容溧水溧陽四縣置所謂上  
元者卽原隸潤州之江寧其更名在肅宗上元二年然則  
江寧上元在當時非有二縣其或稱江寧或稱上元者亦  
猶涇邑之稱今名則爲涇稱舊名則爲南陽安吳耳非有  
誤也

**汪遵** 勿爲吏許棠應二十餘舉遵猶在胥徒善絕句詩而深  
自晦密一旦辭役就貢會棠送客灞澹間遇遵訊曰汪  
都何以至此遵曰就貢棠怒曰小吏無禮而與棠同硯席棠  
甚悔之咸通七年成進士後五年棠始及第著有咏史詩  
撫言  
乾隆志

**宋詹步**

字叔東其先世友直友端皆有詩名直登政和進士居  
涇竹村里端領政和鄉薦徙宣城步蓋直裔也少好學

寧國府志

卷二十九

人物志 文苑

十六

善詩文典雅風騷惜多遺逸  
晚以特奏得官 乾隆志

**元凌希惠**

字季和宋工部侍郎策十一世孫號水西道人寓宣  
城與諸名士爲吟社賦古鏡云漢皇蛇劍穿戶飛伯

禹神鼎淪泗涯鯨翻鰲轉總陵谷此鑑零落何足疑雲松樓  
云丹崖雲竇相掩映一枝北走如翔龍白雲輸雨出深谷蒼  
松倚壁來清風時稱許之同時有倪水西仕本路教授亦  
工詩與希惠齊名 宛陵羣英集 康熙志 乾隆志  
**郭雷煥** 字有章饒州路教授能詩尤工駢麗文時號爲郭四  
六送趙孟頫應召詩云南邦諸老歌麟趾北闕千宮  
看鳳儀又有題施氏芳遠亭詩於他多散逸  
宛陵羣英集 康熙志 乾隆志 嘉靖縣志

按康熙志載雷煥入南陵文苑誤

**明鄭桂芳**

字時舉洪武中以薦爲錢塘令辭去有詩數百首  
號樂清集徐大章謂其有太白胸次 乾隆志

**鄭瀾**

字用常永樂甲申會試擬元以策譏靖難事置第二選  
庶吉士改禮科給事進戶科都給事以忤旨歸工詩不

假修飾而風旨高亮著  
有玩易軒集同上

左鎰

字應衡，幼穎異，日記數千言。嘉靖辛卯，壬辰魁兩榜，授南戶部主事。晉尚寶卿，管誥勅，藻思英發，響答如流。復

同修宋史，并校正五經四書。性理諸書，會明堂大享，景雲見為賦，以上世宗人嘉賞。未幾卒。僅年三十二，著有風光軒友

竹亭稿，溫陵陽佩訓序曰：擬古諸篇，晉魏典型，近體大，歷名家。未易軒輕，制詞蔚乎一代文章矣。其宜人，唐氏刊行於世。

東井文集序  
康熙志

王廷幹

字維楨，七歲能文，讀書日以寸計。年十六，舉嘉靖辛卯鄉試，第五。明年成進士，是科未冠者，蔡汝楠、桑惟

喬與廷幹三人，而狀元林大欽亦弱冠未婚，並奉詔歸娶。鄉人榮之，授行人，歷遷九江知府，乞休歸。鍵戶著述，凡邑中碑

板記銘，悉出其手。年六十二卒。有集十卷，吉水劉世亭叙曰：本乎道，以行乎文，聞之者可以開聾，瞶用之者可以弼道。理

真，有裨益。世教追踪作者，子文燿，字形中，復以萬曆壬辰成進士，官刑部主事，亦能詩。巖居集序：乾隆志。

張應秦

字大來，六歲善占對，曰：誦千餘言。甫髫中丞林潤試合部士，自經義外，中秋賞月詩，禁中官不得干朝政。

疏各一首，讀應泰卷，驚曰：異才呼為小友。郡守陳俊禮延宿儒沈懋學、梅鼎祚及應泰修郡志。萬曆壬午，舉於鄉，聞武林

寧國府志

卷二十九

人物志 文苑

十七

亡友許中丞，耗挈舟往哭，因遍歷吳越，探諸名勝，有遊越篇。壬辰成進士，授太和令，游知泉州府，為司計所中，倅大名職。

治水河工，成上賜金帛，量移河間，丞轉戶部員外，陞吉安守。未蒞任，卒。仕宦二十年，清貧持甚，所著執葵園白門草史疑

孤竹遺抄，晚香亭稿，前後遺書若干卷。姪一卿，序曰：聲高鴻筆，奚煩後世。子雲，價重雞林，詎少當時。皇甫胡應麟，序曰：識

固兼人才，尤獨絕。泐洋滄，滙畜極而流，超然獨往，追百代而上之。其為世推重如此。白門草序：菰葵草序：乾隆志。

張一卿

字次公，七歲能文，淹貫經史。連中副榜，入南監，祭酒李維楨目為王元美、汪伯玉之流。居南郊杜門，著書

有五經講義，春秋三傳，節義續史，疑四六綺合，古今表箋。陳繼儒見之，曰：我當北面師事。年七十四，無疾卒。乾隆志。

胡世及

字伯承，博覽羣書，明末復社諸人，並爭聲氣。世及淡於名利，鍵戶著述，詩宗盛唐。書法，顏平原雅，自貴重

非其人，百金不肯一書。由舉人就國子監，丞鼎革後，棲身山阿，不談時事。年八十，無疾逝。著有燮餘嶽觀堂清航居諸詩

稿

國朝萬應隆

字道吉，少負雋才，故明崇正，間補諸生，與宣城沈壽民、貴池吳應箕等倡南社，與壽民交尤篤。張溥等倡

復社於吳門，循同邑諸才士，往會於虎邱，激揚聲氣，為朝貴所忌，由選貢中崇正己卯，舉人嗣馬阮，傾陷士類，或死，或遁，或以身故，殉國，應隆幸得免，鼎革後，嘗一應會試，歸築玉屏園，以居，故交多，達官屢勸之，仕弗應，茹蔬衣褐，又三十餘年卒。為文，頃刻立就，出入經史，貫串百家，而長言罕譬，要歸於正，著有《三峯文集》、《弟麟亦工詩》、《有松虬集》、《乾隆府縣志》。

趙崇禮，字谿叔，天姿穎異，七歲即工書，縣令曹谷使摹朱子，長益工入二王之室，善畫蘭詩，尤清雅，為人渾穆，冲淡不治，生產而篤厚，親黨遂致貧，不自支，有致幣求書者，反餽而仍，應之無倦。

乾隆志

葉令樹，原名耆，字伊氏，所著有《桓城詩稿》、《焦雨亭稿》、《梅雪園雜著》、《六麟史編》、《亦偶然等集》、《同上》。

左士望，字稚姜，博雅工詩，文忠厚，退讓好善，不倦鼎革後，不分校，多人而秉筆者，實士望也。《同上》。

翟士鰲，字永維，歲貢生，書過目成誦，不屑為制舉義，而試輒冠軍，其關釋道二辨，直追踪原道本論，所著有《鑿餘冠》。

翟賜履，字非熊，邑諸生，散金收書，經史外，凡可經世者，無不博覽，詳究，尤便弓馬，嫻伎擊，自命有文武才，交遊海內，名流遇有文無行者，即面斥絕卒，以助葬。周慝家業盡廢，所著《清閣詩選》、《魯之貞為序》、《同上》。

章芝，字非靈，篤志好學，尤精易理，所著有《易學管窺》、《爻象演義》、《諸書識鮮》、《超卓子台雍》、《正甲辰進士》、《同上》。

葉沃若，字千里，少英敏，博通經史，為文力懲艱險，一軌於正，與族姪居仁並擅文名，以舉人分校，壬子楚闈，所拔萬年茂等，皆知名，士晚精推步之學，自製量天尺，以測星辰，躔次靡不合，乾隆辛未會試，中式榜發，已卒於京邸，人皆惜之，所評經史及所著《壺中嘯》、《詩文諸稿藏於家》、《同上》。

鄭相如，字漢林，生而穎異，八歲即通諸經，後益博貫經史，融舉博學鴻詞，江省督撫以名薦，數奇不遇，嘗涇川文載詩古，四十五卷，所著有《四子圖書學貫》、《四靈通考》、《涇川文載詩古》。

文集數  
百卷

寧國府志

卷二十九

人物志 文苑

天集  
同上

胡承福

字備五力學不輟時方競習帖括顧獨講求經史已

卷又成四書撮二卷中載朱陸異同辯發明儒釋宗旨尤為

精闢其詩古文亦過人中雍正癸卯副榜垂二十年始以毛

詩魁

鄉薦

陳桂齡 字一枝一家貧力學設教水西書院四方從遊甚眾所

實不在平湖下官建德縣教諭

勤於督課仿胡安定遺法行之

趙昌國 字黼平幼穎慧甫冠補弟子員試輒高等乾隆辛酉

尚書綴叙之目以大家

李

卷

陳麟書

字皆庵乾隆庚午經魁司鐸泰興方正謹嚴言笑不

寧國府志

卷二十九

人物志 文苑

十九

趙良震

字修遠乾隆庚午舉人少好學父御史青藜宦遊未

門不出慎交遊寡言笑或羣居劇談聞履聲輒畏而避之所

著詩草有聲序尤善古今

胡承譜

字韻仲少穎悟讀書目數行下弱冠舉於鄉授廬江

談元峯詩鈔四卷行世

翟大程

字雲九乾隆庚辰進士由中書敢廣東知縣雖膺民

書有抱瓮齋詩文集

胡元輝

字乾九性高邁天稟絕人自經史外諸子百家無所

周以迄衛公兵法譚子化書無不鉤元挈要其所自著有石

門文集石門詩集石門詞賦集石門子藝子貫附言詩序貫

諸書

胡先抱 字損齋乾隆癸卯舉人少穎異強記絕人十歲時父

廷變授以二十一史全書盛衰典故對客輒如成誦

一時稱異與兄先掄分習經史掄十一歲以全通十三經入邑庠學使者目為經義無雙獨於史無所試故知不知者半而獨以詩文得名後專為根抵學尤肆力於經總諸家異同折以己意鄉薦後即絕意名場有所作隨手散去子世琦掇述其詩稿之存者為萬里集以上採新縣志增

按文苑以著作為憑非有刊本送局者不錄此郡志例也

今涇志先成新增文苑四十人著作概未緘呈無從覘其

底蘊謹就標目稍多者臚列如右倘有罅漏統歸補遺

### 寧國縣

#### 宋鄭魏挺

字景烈父可與從父吏部郎中升同師延平徐誠叟因得聞楊時緒論挺早承家學登嘉定甲戌進士調分宜尉江淮提舉司幕杜謝餽遺未嘗以貧窶為意引疾歸臺章交薦除國子監書庫官兼皇后宅教授力辭不受挺雅性曠達嫻於文藻隱居九龍山西園者十五年稱西園老圃人率慕之年八十卒著有提身粹言二卷讀書通說五卷子

### 寧國府志

#### 卷二十九

人物志 文苑

二十

士 希聲亦舉進士 乾隆志

#### 明黃文魁

字君仲成化間太學生任廣西慶遠府知事有聲視河池州惠愛洽民性喜吟咏皆自出新意不經人道語著有槐軒詩集 乾隆志

#### 仙作舟

字本初中丞克謹仲子八歲能屬文精鍾繇小楷尤工畫墨竹年三十卒嗜李長吉詩著有淮南鴻烈

### 國朝汪作霖

字雨公歲貢生性嗜古田廬蕭然著述咀嚼經史晚年教授生徒學益進每周人惡嘗於黃渡得遺金不取沒後著述散佚惟存尊經閣遊白雲山詩二首瞿硎記宣石賦二篇 乾隆志

#### 程書

字衡石康熙丁酉舉人任嘉定教諭初至見學宮茂草於任紳士祀之眾賢祠又勒教思碑於明倫堂側著有周易備要十六卷左傳評註昌黎文粹各若干卷藏於家 乾隆

志 隆

#### 朱邦衡

詳宦績

旌德縣

**南唐舒雅**

字子正，咨容秀發，以才思自命，保大時隨計金陵，懷

忘年交，及熙載知貢舉，擢第一，世號舒狀元。朝野素服，雅才無間，言會後主命，中書舍人徐鉉覆試雅等五人，雅不就試。後入宋，為將作監丞，已而充秘閣校理，與吳淑齊名。久之，出知舒州，祥符初，進昭文館。舒州滿秩，愛瀟岳山水，之勝乞主。管靈仙觀，詔從之。著有山海圖若干卷，十九代史目二卷，卒年七十餘。南唐書十國春秋。

按舒雅十國春秋係宣城人江南通志係徽州歙縣今從

嘉定萬厯康熙乾隆府志屬旌邑

**宋汪解**

字仲容，元豐八年進士，幼穎悟，嗜書，嘗從胡瑗學。易、王安石著三經義傳，解與議，傳其說。舉詩賦入太學，分錄

學正神宗，聞其名，記於屏風。登元豐八年進士，調鼎州司理入為太學正，累遷國子祭酒。為議學制不合，以顯謨閣待制知婺州，歷徙應天府，不赴。奉祠卒。贈宣奉大夫。解自錄太學至為正，為司業，祭酒，官以儒名者三十年。著有詩書孟子解。義二十卷，文集二十卷，詔誥三卷，樂章一卷。後以子伯虎職贈少師，祀鄉賢。宋史乾隆志。

寧國府志

卷二十九

人物志 文苑

二十一

按宋史稱解旌德人，明一統志亦係旌德。康熙府志與通

志並係涇人，涇志云：解旌德人，因隨父襄寓涇，其裔人有

析居涇者，今涇鄉賢祠中祀之。涇志亦載入此。依乾隆府

志之舊，仍係旌德。

新神道碑，解宣城，新建里人，詳金石。

**鍾世美**

字公實，元豐初遊上庠，獻書萬言，大畧論教化未宣，

大臣授將仕郎，充太學正，命詞云：夫以布衣談王道，講當世之務，而為朕之所知，可謂一時豪傑之士。前覽所奏書，朕既奇爾言矣，然猶以為未也。詔有司考爾素學，而祭酒博士咸以行義聞，夫復何疑。累遷至諫議大夫，卒。著有陵陽集，數十

卷子邦直通判舒州，乾隆志。

**汪注**

字東之，咸淳四年進士，就學刻苦，焚膏繼晷，寢帳為黔，調池州青陽簿，六年棄官歸，益肆於學，經史百家無不

該洽著有中庸演說大易衍義藏於家子胄文溫州路儒學教授同上

**汪昌壽**字伯叙咸淳元年進士學問博洽為文若不經意然

金陵戶曹改秩浙西帥司主管機宜文字未幾杭州失昌壽歸至元中以學行足師請典鄉校與其叔注協志訓誘著有文數十卷子鐵崖自娛集東林叩角集講議雜

**元呂枋**字汝芳通詞賦兼七書入右庠至元乙亥謁告省親因

受及歸里以文行舉采石書院山長設教詳明士皆悅服秩滿卒於家所著有桂芳家集采江吟稿同上

**明姚裕**字克寬宣德乙卯舉人授嚴州訓導累遷國子監助教

名山雅編傳於世同上

**王瑄**字俊溫宣德乙卯舉人博物洽聞嘗屬文尤精毛詩正

仕歸辛卯與修縣志文集未絳行同上

寧國府志

卷二十九

人物志 文苑

**梅鶚**字百一正德丁丑進士童子時見日中三足烏弱冠嚮

踵門求觀借錄日誦數萬言為文援筆立就著作甚富未經

讐校而卒年四十五稿多散佚惟鳧山集四卷傳世弟驚字

致齊正德癸酉舉人博聞強記著有尚書譜尚書考異春秋

指要儀禮翼經太元圖注等書又弟鵬字萬九歲貢亦淹洽

工詩驚子元豐以貢判臺州曾刪訂十七史同上

**舒宏諤**字士一邑增生英敏好學屢試不售隱居松竹山房

易經去疑諸書同上

**姚懋忠**字衷赤邑諸生博覽羣書留心古今人物事蹟見人

割股奉親盖自幼並以孝聞同上

**王文煒**字闇仲吏名遯初字宇寅崇正八年歲貢家貧就學

百餘人晉江張羣書輒徹旦不寐四十餘年不歸家受業者歲

天文論嘆為奇才遂與訂交所著于寅寸書五十卷內有梓

山鼠餘左國詳評五經肯周易  
吃四書句諸集行世同上

**國朝杜名齊**

字朋季少穎悟為名諸生年十九從宣城沈壽民授  
經稱俊才崇正未棄巾服不事科舉業周鑣贊曰是

乃所謂性正氣嚴喬然歲寒中者著有  
東固草堂文集壽民序之以行同上

**譚文昭**

字士遠好學深思刻意勵行與兄學昭並著名康熙  
丙寅選拔著有掘得集議論奇創江南省志收入子

集中  
同上

**王之績**

字懋公邑諸生沉靜簡默勤學好問欲盡讀古今書  
聞友人家多購藏遂從索觀輒晝夜不輟所著五經

人物志百三十卷脫稿將梓惜不戒於火又刻有評註  
才子古文鐵立文起張相國玉書序其簡端云同上

**劉瓊**

字令樹少孤家貧力學授徒多所成就湖北督學凌如  
煥江南督學鄭任鑰延致文幕重其成品咸加敬禮其

所著忠孝節義錄鄉約歌皆有裨風教  
諸當事為序梓行之以歲貢終同上

**方學成**

字武工早有志於詩古文之學嘗刻梅島山王鐵立  
郭研廬三家詩文集以已作名譽泉齋四稿雍正

**寧國府志**

**卷二十九**

人物志 文苑

二十三

二年由廩生保舉孝廉方正任山東  
夏津縣知縣著有松華堂集十卷

**太平縣**

**宋孫覲**

字仲益崇寧間以進士授中書舍人侍欽宗如青城金  
人以二帝北去而歸覲與馮懈曹輔等高宗中興安置

歸州尋赦還紹興元年又構讒謫象郡朱幾擢知臨安調平  
江進左朝奉郎充龍圖閣待制戶部尚書晚與朱子交常手

札與覲辨析義理又來訪與遊獅山書秀陰二字鐫諸石因  
嘗提舉鴻慶宮故所著曰鴻慶集明禮部侍郎李本序其集

以行  
乾隆宋史

**元汪文龍**

字濟卿弱冠舉茂才任旌德銅陵文學掾歷常湖沿  
山等州教諭皆循循屬造就後學與人言若不

口而踐履多弗能及後以臨安簿致仕同時歐陽虞揭輩皆  
以詩文推重之汪澤民比之漢伏生云著有韻書撮要等書

卒祀鄉賢  
乾隆志

**汪珍**

字聘之博學工詩淵淳雅贍卓有古風盧摯雅重之汪  
澤民至不敢與鴈行每稱南山先生云著有詩集同

上

**明陳天德**

父埏埴為業所得工值盡以訓子天德弱年入邑庠

業聚徒文行並優以歲貢授高安知縣弟天爵幼秉兄

題咏甚富

所矜式以明經令樂陵歸裝蕭然有留床載石之風其

同咏甚富

**崔廷宏**

字銘誠淹貫經史嘗從羅汝芳王畿遊精研性命之

三篇探幽抉奧直入南華之室竝偏示同人

**焦文臣**

字賔王遍覽強記補邑廩生工古文詞光有詩癖興

鼎祚湯賓尹皆折節與遊贈答甚富性孝友伯兄早喪母事

上

寧國府志

卷二十九

人物志 文苑

二十四

**項應選**

字實吾少穎悟刻苦勤學補邑增生長於古文詩賦

生富才思性樂與人為善汲引後進致為勤懇同上

**國朝項淦**

字素澄篤志力學博極羣書年踰四十補邑庠生性耿

琴以滌躁妄從遊多善士居邇縣庭足跡不至惟鍵戶著述

**杜應成**

字曰人邑庠生博學多識與其族兄應理互相切劘

事著有四書周易竊揆數種同上

**杜芳玘**

字己玉歲貢生僑寓江積學工文尤長於詩善作

產每倦遊惟杜門課子家徒壁立講誦不輟同上

**汪惠中**

字掌六邑廩生性豪邁有夙慧文摹篆莊得其精髓

坐飲清潭石畔唱和竟日觀者嘆為神仙中人同上

國朝胡琛

字吉人，邑庠生。幼穎異，每試冠軍。雖室如縣罄，歌聲時出金石。平居究心經史，手批書經，彷彿王伯厚、孫月峯

之意而研精洞微，實能發前人之覆。子純，生孝友。著聞，課弟元彪，有聲庠序。皆推本於琛之庭訓云。

胡士傑

字漢三，邑廩生。植品篤行，潛心學問，不妄交遊。居常

以國士目之。所纂四書、毛詩及唐宋諸大家古文，皆有心得。年六十終，不遇士林，惜之。子碧嶠，邑庠生。克承庭訓，亦務實學。

按此二人見縣舊志，今據邑紳請入府志，核其本傳，蓋績學而坎壈終老者，因補錄之。